



CONCELLO DE SANTA COMBA
PRAZA DO CONCELLO 1
15841 - SANTA COMBA
CORUÑA (A)

Expediente nº: IF204A/AC/2024/0686

A súa referencia: PROYECTO MODIFICADO DE MEJORA DE PAVIMENTACIÓN DE VIAL EN VILAR DE ABAIXO – PARROQUIA DE A PEREIRA

Asunto: **Resolución de autorización na zona de dominio público e/ou nas zonas de protección da estrada AC-400**

Solicitante: CONCELLO DE SANTA COMBA

Obras, instalacións ou realización de actividades para as que se solicita a

autorización: Mellora de acceso directo de vía local

Concello: SANTA COMBA

Estrada: AC-400

PQ inicio: 61+960

Marxe, no sentido de avance da quilometraxe: dereita

ANTECEDENTES

1. O 17/04/2024 recibíuse neste servizo a solicitude do CONCELLO DE SANTA COMBA, na que solicitaba a autorización para a mellora de acceso directo de vía local.
2. Con data do 07/05/2024 o equipo de vixilancia de explotación emitiu un informe de campo tras visita ao lugar da solicitude.
3. O 10/06/2024 o enxeñeiro facultativo deste servizo emitiu un informe sobre a solicitude presentada.





NORMATIVA APLICABLE

1. Lei 8/2013, do 28 de xuño, de estradas de Galicia (DOG 12/07/2013) e as súas modificacións. En adiante LEG.
2. Decreto 66/2016, do 16 de maio polo que se aproba o regulamento xeral de estradas de Galicia (DOG 20/06/2016) e as súas modificacións. En adiante REG.
3. Lei 39/2015, do 1 de outubro, do procedemento administrativo común das administracións públicas (BOE 02/10/2015). En adiante LPAC.
4. Lei 40/2015, do 1 de outubro, do réxime xurídico do sector público. (BOE 02/10/2015). En adiante LRXSP.
5. Orde do 23 de maio de 2019 pola que se regulan os accesos nas estradas de Galicia e nas súas vías de servizo (DOG núm. 127, do 5 de xullo de 2019). En adiante Orde de accesos vixente.

CONSIDERACIÓNS LEGAIS E TÉCNICAS

1. De acordo co artigo 47 da LEG, a execución de obras nas zonas de dominio público e de protección (servidume e afección) duna estrada, está suxeita ao deber de obter a correspondente autorización previa da Administración titular desa estrada.
2. O REG considera ademais, no seu artigo 133, que as autorizacións de acceso afectan directamente as súas calzadas e, en consecuencia, o seu outorgamento correspóndelle, en todos os casos, á Administración titular da estrada.
3. O obxecto da solicitude presentada pode cumprir co sinalado na LEG e o seu regulamento, **sempre que leven a cabo as actuacións complementarias necesarias para dar cumprimento ás condicións particulares desta autorización**, segundo o informe técnico do enxeñeiro facultativo de data 10/06/2024.

De acordo co indicado, **RESOLVO:**

Autorizar ao CONCELLO DE SANTA COMBA no que respecta á competencia sectorial en materia de estradas, a execución do **acondicionamento e mellora da pavimentación do viario en Vilar de Abaixo exclusivamente no que respecta ó acceso do mesmo coa AC-400** no concello de SANTA COMBA.





-As obras deberán de executarse segundo o proxecto aprobado polo Concello, e complementadas con as actuacións que sexan necesarias para dar cumprimento ás condicións particulares que a continuación se relacionan.

-Exixir á empresa adxudicataria das obras a constitución dunha **garantía de seiscentos (600) euros** que responda dos potenciais danos ou perdas que se poidan provocar ao dominio público viario, conforme ao artigo 51 da LEG e 119 do REG. Esta garantía deberá depositarse na caixa xeral de depósitos da Axencia Tributaria de Galicia, a favor da Axencia Galega de Infraestruturas. **A autorización carecerá de validez se non acredita perante este servizo provincial o xustificante de ter presentado o depósito da garantía.** O prazo de garantía será de dous (2) meses dende a data da acta de conformidade, de ser o caso.

- **Antes de proceder a executar as obras na zona concreta do acceso do viario en Vilar de Abaixo coa estrada autonómica AC-400**, o Director das mesmas deberá de poñerse en contacto co equipo de vixiantes de explotación desta zona (**tfno: 608 60 83 30**) co obxecto de comprobar os detalles da implantación desas obras de intersección, e o cumprimento das condicións particulares desta autorización. **A acta de conformidade da súa implantación implicará o permiso definitivo de iniciación das obras nesa zona.**

Esta autorización axustarase ao disposto pola Lei de estradas de Galicia e a seu regulamento, ademais do cumprimento das seguintes **condicións**:

CONDICIÓN PARTICULARES:

1. **As obras autorizadas** consisten nun acondicionamento e **mellora de firme con formigón** no acceso do viario en Vilar de Abaixo coa estrada autonómica AC-400, para que o Concello de Zas poida exercer as súas competencias, **sempre por fóra da beiravía da estrada autonómica, ata a aliñación dos bordos das beirarrúas existentes levando a cabo un fresado previo do firme existente, ata o espesor necesario para non elevar a cota actual da rasante da via local.**
2. As obras deberán estar rematadas no **prazo de vinte e catro (24) meses**, que se empezará a contar a partir do día seguinte da notificación da resolución. No caso de non poder executalas no prazo establecido deberá solicitar unha prórroga con antelación suficiente á finalización do prazo establecido.
3. En todo caso, non se interferirá a drenaxe superficial ou profunda da estrada autonómica e **impedirase a chegada de augas de escorrega dende o viario en**





Vilar de Abaixo á calzada da AC-400. Para o que se deberán de dispoñer as medidas que sexan necesarias, co obxecto de interceptar as augas de escorrega do viario municipal e conducilas ao sistema de drenaxe lonxitudinal da AC-400. Incluindo o fresado necesario para non elevar a rasante desa vía local

4. **En ningún caso a obra pode afectar á beiravía da estrada AC-400.** A xunta entre o novo aglomerado de formigón da vía local e o aglomerado da beiravía da AC-400, co seu carril dereito, executarase mediante corte con disco, coidando especialmente na execución a continuidade das rasantes .
5. **As sinalizacións, vertical e horizontal, na zona de conexión con a estrada autonómica deberán de revisarse, repoñerse e/ou implantarse, de acordo con a norma 8.1-IC e 8.2-IC.**

En concreto deberá de implantarse unha sinalización horizontal que defina, de maneira inequívoca, os movementos de entrada e saída do acceso, e separando ese movementos das zonas que se definan como de aparcamento.

Deberán tamén de implantarse as correspondentes sinais R-2 de STOP e as marcas viarias horizontais de acompañamento, como mínimo a M-4.1.

6. Durante a execución das obras, tomaranse as precaucións necesarias para garantir a seguridade da circulación, colocando a sinalización e balizamento regulamentados na **Instrución 8.3-IC sobre Sinalización, balizamento, defensa, limpeza e terminación de obras fixas fóra de poboado** (BOE nº 224 do 18/09/1987) e os exemplos do **Manual de Sinalización de obras do Ministerio de Fomento**. Sendo a empresa adxudicataria das obras a responsable dos accidentes a que puidera dar lugar a insuficiente sinalización ou o mal estado de conservación ou colocación desta, debendo retirala tan pronto finalicen as obras.
7. Non se autoriza a ocupación do dominio público para o almacenamento de materiais. Os residuos xerados nas obras serán xestionados adecuadamente, sen deixar resto algún na zona de afección da estrada autonómica.
8. **Unha vez rematadas as obras nesa zona, deberase comunicar ó vixiante de explotación (tfno: 608 60 83 30) a súa finalización, co obxecto de comprobar o estado das obras e a súa conformidade cos termos da autorización, e proceder o levantamento da acta de conformidade.**





9. Será por conta do Concello a limpeza e mantemento periódicos, así como as actuacións de conservación ordinaria e extraordinaria do acceso (incluíndo a reparación e renovación do pavimento e das conducións baixo o mesmo) e dos elementos da estrada ós que afecte a súa utilización.

CONDICIÓNS XERAIS:

1. A autorización outórgase a reserva das demais licenzas e autorizacións necesarias, sen prexuízo de terceiros e deixando a salvo os dereitos preexistentes sobre os terreos ou bens. Non suporá en ningún caso a cesión do dominio público, nin a asunción pola administración titular de ningunha responsabilidade respecto da persoa titular da autorización ou de terceiros.

A administración titular da estrada poderá, en calquera momento, modificar ou suspender temporal ou definitivamente a autorización cando a actuación produza danos no dominio público viario, por incumprimento das condicións da autorización, por poñer en risco a seguridade viaria ou cando se alteren os supostos determinantes do seu outorgamento ou cando resulte incompatible con normas aprobadas con posterioridade.

2. Esta autorización entenderase outorgada a **precario** na parte na que afecte á zona de dominio público.

As autorizacións outorgadas para a realización de obras, instalacións ou actividades na zona de dominio público poderán ser revogadas unilateralmente polo órgano que as outorgou en calquera momento por razóns de interese público, sen xerar dereito a indemnización, cando sexa necesario por motivo de calquera obra que vaia realizar na estrada a administración titular desta, e quedará obrigada a persoa solicitante a retirar á súa conta os elementos instalados.

As autorizacións outorgadas para a realización de obras, instalacións ou actividades na zona de dominio público exclúen o aboamento á persoa interesada de calquera indemnización por razón dos danos e perdas ocasionados pola explotación e polo uso da estrada, incluídos os causados polo tráfico ou por calquera obra realizada na estrada pola administración titular desta, incluídas as de conservación. Nese caso, a reposición das obras e elementos amparados pola autorización será por conta da persoa interesada.





3. A autorización producirá efectos mentres permaneza o obxecto determinante do seu outorgamento e será transmisíbel previa notificación do cambio de titularidade a este servizo.
4. Se para a execución das obras, instalacións ou actividades fose necesario construír un acceso á estrada, deberá solicitarse previamente a preceptiva autorización de acceso neste servizo provincial.

Así mesmo, calquera outro tipo de obras que se pretenda realizar dentro da zona de afección da estrada, aínda que sexan complementarias da solicitada, como peches, canalizacións ou cruces subterráneos, acometidas, etc., que non comprenda a presente autorización, requirirán autorización expresa deste servizo.

5. Durante o tempo no que se manteñan as obras, deberanse tomar as precaucións necesarias para garantir a seguridade da circulación no treito afectado, colocando a sinalización e o balizamento regulamentario segundo a **Instrución 8.3-IC** sobre Sinalización, balizamento, defensa, limpeza e terminación de obras fixas fora de poboado, o Código de circulación, o Manual de exemplos de sinalización de obras fixas do Ministerio de Fomento e outras disposicións vixentes, sendo o petionario o responsable dos accidentes a que puidera dar lugar a insuficiente sinalización ou o mal estado de conservación ou colocación desta, debendo retirala tan pronto como se rematen as obras retire a instalación.
6. No caso de necesitar realizar cortes e desvíos do tráfico na execución das obras o solicitante deberá obter previamente a preceptiva **AUTORIZACIÓN da xefatura provincial de Tráfico**, segundo o recollido no artigo 37 do Regulamento Xeral de Circulación (RD 1428/2003), que xunto co artigo 39 regulan a ordenación especial de tráfico por razóns de seguridade e fluidez e a limitación deste.
7. As obras, instalacións ou actividades executaranse segundo a documentación presentada no expediente, no seu caso, e segundo as condicións impostas na autorización, sen interromper nin dificultar, agás casos excepcionalmente autorizados, a circulación pola estrada e garantindo, en todo caso, a seguridade viaria.
8. **Non se poderán iniciar as obras sen que o persoal deste servizo comprobe a súa implantación sobre o terreo e se teña depositada a garantía definida nesta autorización.**





Para isto, a persoa interesada porase en contacto co dito persoal cunha antelación mínima de sete (7) días da data que prevexa para o inicio da obra e comunicará a identificación da persoa a que teña encomendada a dirección da actuación, cando non coincida coa persoa titular da autorización. A realización e contido da súa implantación quedarán reflectidos nunha acta. Se non houberse conformidade faranse constar os reparos de xeito pormenorizado e concederáse un prazo proporcionado para a súa corrección.

A acta de conformidade da súa implantación implicará o permiso definitivo de iniciación das obras no que á normativa sectorial de estradas se refire.

9. Con carácter previo ao inicio das obras deberá constituír una **garantía definida nesta autorización** na Caixa do Departamento Territorial da Consellería de Facenda a favor deste Servizo provincial e presentar neste servizo o correspondente resgardo.

A garantía manterase durante o prazo de **dous (2) meses** dende a data da acta de conformidade da finalización da obra.

Transcorrido este prazo dende a finalización das obras, poderá vostede solicitar a devolución desta a este servizo provincial.

A súa devolución farase efectiva unha vez comprobado que as obras realizadas se axustaron ás condicións indicadas na resolución da autorización, así como a non existencia de danos ou perdas ao dominio público viario ou aos seus elementos. No suposto de que as persoas interesadas ocasionasen danos ou perdas ao dominio público viario, a Administración titular da estrada incautará a garantía na contía equivalente a ditos danos e perdas.

10. As obras, instalacións ou actividades autorizadas executaranse baixo a inspección e vixilancia do persoal deste servizo provincial cumprindo todas as condicións de garantía e seguridade establecidas polas disposicións vixentes e, ademais destas, o petionario aceptará as especiais que se poidan impoñer para a seguridade da estrada e do tráfico.
11. O titular da autorización será responsable de todos os danos e prexuízos ocasionados á estrada, á súa zona de influencia, a terceiros ou na súa propia actividade con motivo da realización da obra, actuación ou instalación autorizada, quedando obrigado a repoñer, ao seu cargo, os elementos da estrada que resulten afectados pola execución das devanditas actuacións, restituíndoos ás súas anteriores condicións de seguridade, funcionalidade e aspecto.





12. Durante a execución das obras:

- Será de conta do petionario a boa conservación e limpeza permanente da obra, debendo retirar ó seu remate tódolos materiais sobrantes.
- Non se autoriza a ocupación do dominio público para o almacenamento de materiais. Os residuos xerados nas obras serán xestionados adecuadamente, sen deixar ningún resto na zona de afección da estrada, nin na zona de dominio público.
- Non se poderán verter á calzada, beiravías, foxos, desmontes ou terrapléns da estrada as augas das choivas, de escorregas ou arrastres ou calquera outros produtos ou materiais procedentes da construción autorizada.
- Adoptaranse as medidas oportunas para que, ao executar as obras, non se prexudique o bo drenaxe da estrada e das súas obras de fábrica.

13. Logo de **rematada a actuación**, o persoal deste Servizo Provincial documentará a súa terminación, o seu estado e a súa **conformidade cos termos da autorización**.

Para isto, o interesado comunicará a este servizo provincial, cunha antelación mínima de sete (7) días, a data que prevexa para o remate da devandita actuación. Estenderase unha acta de conformidade ou, no seu caso, faranse constar as obxeccións oportunas, concedéndose o prazo proporcionado para a súa corrección.

A acta de conformidade da finalización das obras implicará o permiso de uso das obras, actividades ou instalacións no que a normativa sectorial de estradas de refire, e a reserva das demais licenzas e autorizacións necesarias.

14. O titular da autorización será responsable das operacións de conservación e mantemento requiridas pola obra, actuación ou instalación obxecto de autorización e que sexan necesarias para garantir a salubridade, accesibilidade, seguridade e funcionalidade menoscabadas como consecuencia do uso destas.
15. O incumprimento das condicións descritas nesta autorización dará lugar ás responsabilidades que se recollen nos Títulos IV e V da Lei 8/2013, do 28 de xuño, de estradas de Galicia, e no Regulamento xeral de estradas de Galicia, sobre protección do dominio publico viario e o réxime sancionador.



Contra esta resolución, que non pon fin á vía administrativa, poderá interpoñer recurso de alzada ante o director da Axencia Galega de Infraestruturas no prazo de un (1) mes, que se contará desde o día seguinte ao da recepción da súa notificación, de acordo co disposto nos artigos 121 e 122 da Lei 39/2015, do 1 de outubro, do Procedemento Administrativo Común das Administracións Públicas.

Mediante este documento notifícaselle esta resolución segundo o esixido no artigo 40.1 da Lei 39/2015, do 1 de outubro, do procedemento administrativo común das administracións públicas.

A Coruña, O xefe do servizo provincial Felipe De la Vega Gándaras (Sinatura dixital)

